



19.marts 2008

Inatsisartut Suleriaasianni § 36 imm.1 tunngavigalugu Naalakkersuisunut apeqquteqaatit mak-kua apeqquteqaatiginiarpakka:

Nappaatinik katsorsarneqarsinnaanngitsunik nappaatillit misiligutaasumik katsorsarne-qarsinnaanerannut tunngatillugu Naalakkersuisunut apeqquteqaatit.

(Inatsisartunut ilaasortaq Per Berthelsen, Demokraatit)

Tunngavigisaq:

Tallimangornermi 14. marts 2008 Naalakkersuisut kiisalu Inatsiartuni ilaasortat amerlanerussu-teqartut Inatsisartuni aalajangiineq ingerlatipallappaat. Aalajangerup kingunerisaanik nappar-simasut katsorsarneqarsinnaanngitsunik nappaatillit katsorsaariaatsinik misiligutaasunik atuisin-naalernissaat ammaanneqarpoq.

Aajangerup tamatuma kingunerisaanik Naalakkersuisunut tunngaviusumik apeqquteqaatinik makkunanga apeqqateqarnissara tunngavissaqalersippaat:

1. Nappaatinik katsorsarneqarsinnaanngitsunik nappaatillit misiligutaasumik nakorsaariaatsinik atuisinnalernerat pillugu aalajangernermut suna tunngavigineqarpa, uffalu Inatsisartut Siulit-taasoqarfiani amerlanerussuteqartut siunnersuutigereeraluaraat sapaatip akunneri sisamat qaangiuppata tamanna eqqartorneqarumaartoq?
2. Inuit katsorsarneqarsinnaanngitsunik nappaatillit katsorsaariaatsinik misiligutaasunik atuisin-naanerannut Naalakkersuisut pingaarnerusumik politikkiat sunaava?
3. Naalakkersuisut qinnuigineqarput Naalakkersuisut misiligutaasumik katsorsaariaatsip taavalu utaqqiisaarutaasumik katsorsaariaatsip assigiinngissutaat qanoq immikkoortittarneraat nas-siaatigeqqullugu?
4. Naalakkersuisut qinnuigineqassapput nunani allani nappaatinik katsorsarneqarsinnaanngitsu-nik misiligutaasumik katsorsaariaatsit atorlugit katsorsaanerme iluatsittartut qanoq annertuti-ginerat paasissutigeqqullugu. Akissuteqaatit procentinik ilaqartinneqarnissaat kissaatigine-qarpoq.
5. Naalakkersuisut qinnuigineqassapput nappaatit katsorsarneqarsinnaanngitsut sorliit inatsisi-taami ilaatinneqarnersut allattorlugit nalunaarutigeqqullugit.
6. 14. marts 2008 sioqqullugu misiligutaasumik katsorsaanerme Naalakkersuisut aningaasaliis-sutinik immikkoortitsisimappat? Taamaattoqarsimassappat Naalakkersuisut qinnuigineqarput tamakkununga aningaasartuutissanik aningaasanik immikkoortitsisoqarsimassappat immik-koortitsinermi suut tunngavigineqarsimanersut nassuiaateqarfigeqqullugu. Kiisalu Naalak-kersuisut qinnuigineqassapput 14. marts 2008 sioqqullugu aningaasaliissutaasimasut qa-ngarpiaq aningaasaliissutigineqarsimanersut allattorlugit nalunaarusioqqullugit.



7. Maannakkut misiligutaasumik katsorsaariaatsinut neqeroorutigineqarsinnaalersunut inuit katsorsarneqarsinnaanngitsunik nappaatillit qassit qinnuteqarsimappat? Taakkunannga qassit 14. marts 2008 sioqqullugu qinnuteqarpat?
8. Maannakkut suliaritinnerit qassit ingerlanneqareerpat?
9. Naalakkersuisut qinnuvigineqarput nappaatit katsorsarneqarsinnaanngitsut misiligutaasunik katsorsarneqarsinnaalernerat inatsisitigut periarfissinneqarmat ukiumut Nunatta aningaaservianut, Landskarsimut qassit aningaasartuutaasalissanersut nassuiaqqullugu. Ukiumut annerpaamik nappaatit katsorsarneqarsinnaanngitsut misiligutaasumik katsorsaariaatsit misiligutaasumik suliarineqartalernissaannut aningaasartuutissat aalajangerneqarpat?
10. Naalakkersuisut Inatsisartut Siulittaasoqarfiata aalajangiussaata avataatigut aalajangertarneq ileqqorissaarnertut isiginerlugu, tassami Siulittaasoqarfiup siunniummagu suliasaq aalajangiiffigitinnagu siunnersuutit atualuaqqaarneqassasoq, taavalu Inatsisartuni oqaluuserineqassasoq?
11. Naalakkersuisut aalajangiinissat pipallatamik aalajangiiffiginissat aammalu tamatuma kingunerisaani aningaasartuutissat qanoq annertutigissanersut TAKUSINNAANAGIT aammalu sinaakkusernagit ileqqorissaanerunersoq isumaqarnerlutik?

Apeqquteqaatit tiguneriniit ullut suliffiusut qulit qaangiutsinnagit akineqarnissat kissaatigineqarpoq.